


He Aorangi



Ngā Whakamārama:

Tērā tētahi whetū kei te pito o te rangi tūhāhā, me ōna aorangi e toru e amio haere ana.

- E 3 tau te amiotanga kotahi o te aorangi A.
- E 6 tau te amiotanga kotahi o te aorangi E.
- E 8 tau te amiotanga kotahi o te aorangi I.

I ētahi wā, he torotika te rārangi mai o ngā aorangi e toru nei, pērā i te pikitia kei runga ake nei.

Hei Mahi:

1. Kei te tika, kei te hē rānei tēnei kōrero?

I te paunga o te 7 tau kua hoki mai te aorangi A ki te wāhi e whakaaturia ana i te pikitia.

2. Kei te tika, kei te hē rānei tēnei kōrero?

I te paunga o te 132 tau, kua hoki mai te aorangi E ki te wāhi e whakaaturia ana i te pikitia.

3. Kei tēhea hauwhātanga o te rangi te aorangi A i te paunga o te 2 tau?

4. Kei te tika, kei te hē rānei tēnei kōrero?

I te paunga o te 57 tau, kei te hauwhātanga tuatahi te aorangi I.

5. E hia ngā tau kia torotika anō ai te rārangi mai o ngā aorangi e toru nei?

6. Mēnā e 3 tau, e 6 tau, me te 10 tau ngā amiotanga, e hia ngā tau kia torotika anō ai te rārangi mai o ngā aorangi e toru nei?